

Hebel, Johann Peter: Wächterruf (1793)

1 Loset, was i euch will sage!
2 D'Glocke het Zehni gschlage.
3 Jez betet, und jez göhnt ins Bett,
4 und wer e rüehig Gwisse het,
5 schlof sanft und wohl! Im Himmel wacht
6 e heiter Aug die ganzi Nacht.
7 Loset, was i euch will sage!
8 D'Glocke het Ölfli gschlage.
9 Und wer no an der Arbet schwitzt,
10 und wer no bi de Charte sitzt,
11 dem bieti jez zum leztemol, –
12 's isch hochi Zit – und schlofet wohl!
13 Loset, was i euch will sage!
14 D'Glocke het Zwölfli gschlage.
15 Und wo no in der Mitternacht
16 e Gmüet in Schmerz und Chummer wacht,
17 se geb der Gott e rüehigi Stund,
18 und mach di wieder froh und gsund!
19 Loset, was i euch will sage!
20 D'Glocke het Eis gschlage.
21 Und wo mit Satans Gheiß und Not,
22 e Dieb uf dunkle Pfade goht,
23 – i will's nit hoffen, aber gschieht's –
24 gang heim! Der himmlisch Richter sieht's.
25 Loset, was i euch will sage!
26 D'Glocke het Zwei gschlage.
27 Und wem scho wieder, eb's no tagt,
28 die schweri Sorg am Herze nagt,
29 du arme Tropf, di Schlof isch hi!
30 Gott sorgt! Es wär nit nötig gsi.
31 Loset, was i euch will sage!
32 D'Glocke het Drü gschlage.
33 Die Morgestund am Himmel schwebt,

34 und wer im Friede der Tag erlebt,
35 dank Gott, und faß e frohe Muet,
36 und gang ans Gschäft, und – halt di guet!

(Textopus: Wächterruf. Abgerufen am 23.01.2026 von <https://www.textopus.de/poems/40903>)